

# ԿԱՅՈՒՆ ԶԱՐԳԱՅՈՒՄԸ ԵՎ ԱՂԵՏՆԵՐԻ ՌԻՍԿԻ ԿԱՌԱՎԱՐՈՒՄԸ

Սենդայի գործողությունների ծրագրի կապը  
Կայուն զարգացման նպատակների հետ



# ԿԱՅՈՒՆ ԶԱՐԳԱՅՈՒՄԸ ԵՎ ԱՂԵՏՆԵՐԻ ՌԻՍԿԻ ԿԱՌԱՎԱՐՈՒՄԸ

Սենդայի գործողությունների ծրագրի կապը  
Կայուն զարգացման նպատակների հետ



Սենդայի մասին 6 հոլովակների քարտեզագրությունը կառավարված է ՄԱԿ-ի համայնքի տեղեկատվության վարչության երևանյան գրասենյակի կողմից, 2016 թ.



Empowered lives.  
Resilient nations.

Աղետների ռիսկի նվազեցման Սենդայի գործողությունների շրջանակային ծրագիրն ընդունվել է 2015 թ. մարտի 18-ին ճապոնիայի Սենդայ քաղաքում՝ Աղետների ռիսկի նվազեցման ՄԱԿ-ի համաշխարհային 3-րդ խորհրդաժողովի ընթացքում:

Սենդայի գործողությունների շրջանակային ծրագիրը գործողության կոչ է՝ առաջիկա 15 տարիների ընթացքում աշխարհը դարձնելու ավելի անվտանգ և նվազեցնելու մարդածին աղետների վտանգը:

Այն հատուկ մշակված է՝ հասնելու աղետների ռիսկի նվազեցման, ինչպես նաև կյանքի, կենսամիջոցների ու առողջության կորուստների զգալի կրճատման: Նոր և ի հայտ եկող ռիսկի կանխարգելումն ու առկա ռիսկի նվազեցումն էական մշանակություն ունեն աղետների պատճառած կորուստների զգալի կրճատման հարցում:

Սենդայի գործողությունների շրջանակային ծրագիրն ունի չորս հիմնական գերակայություն.

### **Գերակայություն 1. Աղետների ռիսկի գիտակցում**

Գիտակցել աղետների ռիսկը՝ մշանակում է ապահովել, որ աղետների ռիսկի կառավարմանն ուղղված քաղաքականությունների ու գործելակարգերի հիմքում լինի խոցելիության և աղետների ազդեցության հստակ ընկալումը:

### **Գերակայություն 2. Աղետների ռիսկի ղեկավարման համակարգի ամրապնդում՝ բարելավելու աղետների ռիսկի կառավարումը**

Աղետների ռիսկի կառավարման համակարգի հզորացում՝ մշանակում է ունենալ հստակ ռազմավարություն, ուժեղ հաստատություններ, օրենսդրական դաշտ և բյուջե՝ ապահովելու աղետների ռիսկի արդյունավետ կառավարումը:

### **Գերակայություն 3. Ներդրումներ աղետների ռիսկի նվազեցման ոլորտում՝ դիմակայունության ամրապնդման նպատակով**

Դիմակայունության ամրապնդման նպատակով աղետների ռիսկի նվազեցման ոլորտում ներդրումները ներառում են պետական և մասնավոր ներդրումներ կորուստների կանխարգելմանն ու նվազեցմանն ուղղված միջոցառումներում:

### **Գերակայություն 4. Հետադետային ավելի բարձրակարգ վերականգնում**

Աղետների ռիսկի կայուն աճը, մարդկանց եւ ակտիվների նկատմամբ սպառնալիքի մեծացումը ցույց են տալիս, որ անհրաժեշտ է էլ ավելի ամրապնդել աղետների պատրաստվածության արդյունավետ արձագանքը և «Անել ավելի լավ, քան արվում է» սկզբունքի ներդրում վերականգնման և վերակառուցման քննադավառներում:

Սենդայի գործողությունների ծրագիրը սահմանում է 7 թիրախ՝ չափելու առաջընթացը աղետների ռիսկի զգալի նվազեցման հարցում: Թիրախներից չորսն ուղղված են աղետների պատճառած կորուստների կրճատմանը:



**Թիրախ 1.** Մինչև 2030 թ. զգալիորեն կրճատել աղետներից մահացության համաշխարհային ցուցանիշը: 2005-2015 թթ. աշխարհով մեկ աղետների զոհ է դարձել ավելի քան 700 հազար մարդ:



**Թիրախ 2.** Մինչև 2030 թ. համաշխարհային մակարդակով զգալիորեն կրճատել աղետներից տուժած մարդկանց թիվը: Վերջին 10 տարվա ընթացքում ավելի քան 1,4 միլիոն մարդ վնասվածք է ստացել, 24 միլիոնը՝ դարձել անօթևան:



**Թիրախ 3.** Մինչև 2030 թ. կրճատել աղետների պատճառած տնտեսական ուղղակի կորուստները՝ համախառն ներքին արդյունքի (ՋՆԱ) նկատմամբ:

Այս թիրախն ուղղված է աղքատության վերացմանը և կայուն տրնտեսական աճի խթանմանն ու բոլորի համար արժանապատիվ աշխատանքի հնարավորությանը: Դիմակայուն ենթակառուցվածքների ստեղծման գործում ներդրված յուրաքանչյուր 1 դոլարը կարող է խնայել արձագանքման և վերականգնման վրա ծախսվող 7 դոլար:



**Թիրախ 4.** Մինչև 2030 թ. էականորեն նվազեցնել աղետների հետևանքով ենթակառուցվածքներին պատճառվող վնասներն ու կանխարգելել հիմնական ծառայությունների, այդ թվում առողջապահական և կրթական հաստատությունների աշխատանքի խափանումը, որն, այլ միջոցառումների հետ մեկտեղ, կիրականացվի դիմակայունության բարձրացման միջոցով:

Այս թիրախն ուղղված է յուրաքանչյուրի առողջության և բարեկեցության բարելավմանը, ինչպես նաև կրթական դիմակայուն ենթակառուցվածքների հասանելիության մեծացմանն ու մարդկային բնակավայրերի կայունության և անվտանգության ապահովմանը:



**Թիրախ 5.** Մինչև 2020 թ. էականորեն ավելացնել ազգային եւ տեղական աղետների ռիսկի նվազեցման ռազմավարություններ ունեցող երկրների թիվը:



**Թիրախ 6.** Մինչև 2030 թ. զարգացող երկրներում էականորեն ընդլայնել միջազգային համագործակցությունը՝ պատշաճ և կայուն աջակցության միջոցով համալրելու սույն ծրագրի իրագործման ազգային ջանքերը:



**Թիրախ 7.** Մինչև 2030 թ. զգալիորեն մեծացնել տարատեսակ վտանգների համար նախատեսված վաղ ազդարարման համակարգերի թիվը և հասանելիությունը, ինչպես նաև աղետների ռիսկի մասին տեղեկատվության և գնահատումների հասանելիությունը բնակչությանը:

Սենդայի գործողությունների շրջանակային ծրագրին հաջորդեց «Կայուն զարգացման 2030» օրակարգը, որում սահմանված են կայուն զարգացման 17 նպատակներն, ուղղված հաջորդ 15 տարվա ընթացքում աղքատության վերացմանն ու կայուն զարգացման հաստատմանը: Կայուն զարգացման նպատակները հիմնվում են հազարամյակի զարգացման նպատակների (ՀՁՆ) արձանագրած հաջողությունների վրա և նպատակաուղղված են վերացնելու աղքատությունն իր բոլոր ձևերով ու դրսևորումներով: Նոր նպատակները բացառիկ են այնքանով, որ բոլոր երկրներին, այդ թվում հարուստ, աղքատ և միջին եկամուտ ունեցող երկրներ, կոչ են անում անցնել գործողությունների՝ խթանելու բարգավաճումը և միաժամանակ պաշտպանելու մոլորակը: ՄԱԿ-ի անդամ 193 երկրները պարտավոր են համախմբելու իրենց ջանքերը՝ վերացնելու աղքատությունն իր բոլոր ձևերով, պայքարելու անհավասարությունների դեմ և լուծելու այն բոլոր խնդիրները, որ ձևակերպված են նպատակներում:

Սենդայի գործողությունների ծրագիրը օժանդակում է կայուն զարգացման 17 նպատակների ու կլիմայի փոփոխության վերաբերյալ համաձայնագրի իրականացմանը: Այն իր թիրախներով կնպաստի, որ Կայուն զարգացման նպատակներն իրականություն դառնան:

## Աղետների ռիսկի կառավարման կարողությունների զարգացումը Հայաստանում

Հայաստանն առաջին երկրներից էր, որ աղետների ռիսկի նվազեցման ոլորտում նախաձեռնեց երկրում առկա կարողությունների ռազմավարական վերանայում հիմք ընդունելով Աղետների ռիսկի նվազեցման Սենդայի գործողությունների 2015-2030 թթ. ծրագիրը և Կայուն զարգացման նպատակները:

ԱՌՆ կարողությունների գնահատման և ԱՌՆ ազգային ռազմավարության մշակման ոլորտում նախկինում ունեցած հաջող փորձի հիման վրա որոշվեց իրականացնել աղետների ռիսկի կառավարման (ԱՌԿ) կարողությունների գնահատում, որը կնպաստի երկրում ընդհանուր ԱՌԿ ռազմավարական զարգացման գործընթացի իրականացմանը: ԱՌԿ կարողությունների գնահատման գործընթացը նախաձեռնեց ՀՀ արտակարգ իրավիճակների նախարարությունը և իր աջակցությունը ստացավ Համաշխարհային բանկի և ՄԱԶԾ կողմից: Գործընթացի իրականացման համար մշակվեց գնահատման հատուկ մեթոդաբանություն, որն ապահովեց բոլոր հիմնական շահագրգիռ կողմերի ամբողջական մասնակցությունը գործընթացին և հնարավորություն ստեղծեց իրականացնել գոյություն ունեցող կարողությունների և Կայուն զարգացման նպատակների (ԿՁՆ) համապատասխան թիրախների հետ կապերի բազմաշերտ վերլուծություն: ԱՌԿ կարողությունների գնահատման արդյունքում

ձևավորվեց ԱՌԿ համակարգի 2016-2020 թթ. զարգացման միջոցառումների ցանկ, որը կօգնի ՀՀ կառավարությանը՝ մշակել համապարփակ պլաններ և ծրագրեր աղետների ռիսկի կառավարման կարողությունների հետագա զարգացման և երկրի ընդհանուր դիմակայունության բարձրացման ուղղությամբ՝ ներառելով Սենդայի գերակայությունները երկրի զարգացման ծրագրերում, որոնք անմիջականորեն փոխկապակցված են նաև ԿԶՆ թիրախների հետ:

### **Առաջարկվող միջոցառումներն են.**

1. Բարելավել ՀՀ-ում գործող ԱՌՆ իրավական դաշտը, կոնկրետ կերպով սահմանել յուրաքանչյուր գերատեսչության պատասխանատվությունն ու պարտականությունները տարբեր աղետների կանխարգելման և հաղթահարման ուղղությամբ:
2. Ներառել և հաստատագրել ԱՌԿ միջոցառումները ՀՀ տնտեսության և պետական կառավարման ոլորտների զարգացման ծրագրերում:
3. Ձևավորել և մշտապես կատարելագործել տարբեր աղետներին արձագանքելու մանրամասն մշակված ազգային, մարզային ու համայնքային մակարդակների իրատեսական պլաններ:
4. Ապահովել որ բոլոր նոր կառուցվող ու վերակառուցվող առողջապահական, կրթական, սոցիալական և այլ հասարակական նշանակության հիմնարկների շինարարական աշխատանքներն իրականացնելիս՝ սկսած պլանավորումից մինչև շինարարության ավարտը, խստորեն պահպանվեն աղետակայուն ժամանակակից քաղաքաշինական նորմերը և իրականացվի պատշաճ մոնիտորինգ:
5. Բոլոր մակարդակներում պարբերաբար իրականացնել կանոնավոր վարժանքներ՝ միտված ԱՌԿ կարողությունների զարգացմանը:
6. ՀՀ տարածքում ձևավորել դիմակայուն առողջապահական համակարգ և այդ ուղղությամբ ժամանակակից, համապատասխան գիտելիքներով զինված ու պատրաստված բժշկական անձնակազմ:
7. Ջարգացնել ՀՀ տարբեր մարզերում, համայնքներում փրկարար աշխատանքների համար անհրաժեշտ նյութական բազան, դրանք մշտապես համալրել ժամանակակից բժշկական, բժշկասանիտարական գույքով և տարբեր ուսումնական սարքավորումներով:
8. Իրականացնել աղետների ռիսկի նվազեցմանն ուղղված միջոցառումներ հատուկ պահպանվող տարածքներում:
9. Ավելացնել պետական և մասնավոր ներդրումները աղետների ռիսկի կանխարգելման և նվազեցման ոլորտում, ինչպես նաև երկարաժամկետ ներդրումները նորարարության ու տեխնոլոգիաների զարգացման և աղետների ռիսկի կառավարման ոլորտում:

10. Բարելավել ԱՌՆ կրթության հետագա զարգացումը ընդհանուր, մասնագիտական, բարձրագույն, ինչպես նաև շարունակական կրթական համակարգերում:
11. Ձևավորել ՀՀ-ում աղետներին առնչվող վիճակագրական միասնական տեղեկատվական համակարգ՝ համաձայն միջազգային նորմերի:
12. Կատարելագործել համապատասխան կառավարման մարմիններում վարչական ռեգիստրների վարման գործընթացը՝ ներառելով ԱՌԿ դրույթները:
13. Ընդգրկել ԱՌԿ միջոցառումները համայնքային զարգացման պլաններում և բյուջեներում:
14. ՀՀ բոլոր համայնքներում իրականացնել աղետների ռիսկերի գնահատում (արաջին հերթին Երևանի):
15. Բոլոր մարզերի համար ստեղծել երկրատեղեկատվական միասնական համակարգեր:
16. Բոլոր մարզերի համար ձևավորել աղետների ռիսկերի կառավարման տեղեկատվական թափանցիկ համակարգեր (արաջին հերթին Երևանի):
17. Ձևավորել հանրային իրազեկման և ճգնաժամային հաղորդակցության գործուն համակարգ՝ Արտակարգ ցանց, ԱՌԿ հանրամատչելի շտեմարանով, բոլոր պատասխանատուների, լրատվամիջոցների, տեղեկատվական նորագույն տեխնալոգիաների ներգրավմամբ:
18. Ներառել ԱՌԿ չափորոշիչները բոլոր բնակավայրերի, առաջին հերթին Երևան քաղաքի գլխավոր հատակագծի ճշգրտման գործընթացի մեջ:
19. Ստեղծել նոր չափանիշներով վաղ ազդարարման համակարգեր՝ ազգային, մարզային և համայնքային մակարդակներում:
20. Պարբերաբար իրականացնել ԱՌԿ տեղեկատվական արշավներ ազգային, մարզային և համայնքային մակարդակներում:

ԱՌԿ կարողությունների գնահատման հիման վրա արդեն իսկ մշակվում է ԱՌԿ նոր ազգային ռազմավարական փաստաթուղթ, որով երկրում իրականացվող զարգացման գործընթացները կհամապատասխանեցվեն Աղետների ռիսկի նվազեցման Սենդայի գործողությունների ծրագրի և ԿԶՆ թիրախների պահանջներին՝ հիմք հանդիսանալով «Ռիսկի գիտակցումով պայմանավորված» երկրի դիմակայուն զարգացման համար:

# ՄԱԿ-ի 2030թ. զարգացման օրակարգը



**ԿԱՅՈՒՆ ԶԱՐԿԱՑՄԱՆ  
ՆՊԱՏԱԿՆԵՐ**

**17 ՆՊԱՏԱԿ ԿԵՐԱՓՈԽԵԼՈՒ ԱՇԽԱՐՀՈՒ**